

ՔՐԻՍՏԻՆԵ ԿՈՍՏԻԿՅԱՆ

ՏԱԹԵՎԻ ՎԱՆՔԻ XVII ԴԱՐԻ ԵՐԿՐՈՐԴ ԿԵՍԻ ՊԱՏՄՈՒԹՅՈՒՆՆ ԸՍՏ ՊԱՐՍԿԱԼԵԶՈՒ ՀՐՈՎԱՐՏԱԿՆԵՐԻ ՏՎՅԱԼՆԵՐԻ

Մատենադարանի Կաթողիկոսական դիվանում պահվող պարսկերեն վավերագրերի շարքում մեծ թիվ են կազմում Սյունիքի XIII – XIX դարերի պատմությանը վերաբերող փաստաթղթերը: Նրանց մեծ մասը ուսումնասիրվել և հրատարակվել է Հ. Փափազյանի կողմից առանձին հոդվածներում, «Մատենադարանի պարսկերեն հրովարտականների» երեք պրակներում¹ և Արևելյան Հայաստանի XVI-XVII դարերի ագրարային հարաբերությունների քննությանը նվիրված մենագրությունում²:

Մատենադարանի Կաթողիկոսական դիվանում պահվող վավերագրերից շուրջ 50-ը վերաբերում են բացառապես Տաթևի վանքի XVII դարի երկրորդ կեսի պատմությանը: Դրանց մեծ մասը շահական ու տեղական կառավարիչների հրովարտականներն են, որոնք ձեռք է բերել Տաթևի առաջնորդ Հովհաննես եպիսկոպոսը, իսկ երկուսը՝ նրա հաջորդ Զաքարիան: Կան նաև կալվածագրեր, համախոսական գրություններ, պարսից պաշտոնյաների գեկուցագրեր և շար՝ի դատարանի արձանագրություններ:

Այդ վավերագրերը որոշակի արժեք ներկայացնող փաստագրական նոր տվյալներ են պարունակում Սյունյաց թեմի հոգևոր առաջնորդների գործունեության թե՛ բնույթի, թե՛ ժամանակագրական շրջանակների և թե՛ ընդհանրապես Սյունիքում զարգացող դեպքերի վերաբերյալ, որոնք բացակայում են այլ աղբյուրներում:

Առաջին հերթին դրանք լրացնում են բավականին երկար ժամանակ Տաթևի թեմի առաջնորդի պաշտոնը զբաղեցրած Հովհաննես եպիսկոպոսի կյանքին ու գործունեությանը վերաբերող այն սուղ տվյալները, որոնք գտնում ենք հայկական աղբյուրներում: Դեռև՛ Ալիշանը նրան անվանում է Հովհաննես Շապանօղլի և նշում, որ նա Շինաթաղ գյուղից էր³ և, որ նրա կողմից էր կառուցվել Տաթևի վանքի «առաջնորդարանն յարեւելակողմն ի բարձրավանդակի գեղահայեաց ի ձորն անդդախոր»⁴: Մատենադարանի Կաթողիկոսական դիվանի թղթ. Ձա, վավե-

բազիր 53-ը, հնարավոր է դարձնում ճշգրտել Հովհաննես վարդապետի Տաթևի թեմի առաջնորդ դառնալու՝ թվականը: Այդ վավերագիրը իրենից ներկայացնում է շահ Արաս Բ-ի 1662թ. հրամանագիրը, որով Տաթևին ենթակա հայկական հոգևոր գործերի ղեկավարությունը հանձնվում է Հովհաննես վարդապետին, այսինքն՝ հաստատում է վերջինիս Տաթևի թեմի առաջնորդի պաշտոնում: Պետք է նշել, որ 1648 թվականից մինչ այդ թվականը ընկած ժամանակահատվածում Տաթևի հոգևոր գործերին վերաբերող, որևէ շահական հրամանագիր Մատենադարանում չկա, այն դեպքում, երբ Հովհաննես Շապանովի եպիսկոպոսի կողմից 1661թ-ից մինչև 1686թ. ընկած ժամանակահատվածում ձեռք են բերվել 40-ից ավելի հրամանագրեր: Այդ թվում կա նաև 1682թ. այդ պաշտոնում նրան վերահաստատող նույն շահի հրովարտակը, որում նշվում են Տաթևի մեջ մտնող շրջանները՝ «Գյոքչան, Քաշաթաղը, Արասբաղը, Ղափանաթը, Բարգուշատը, Ագատ-Ջիբանը և Ղարադաղը»⁵:

«Շարակարգութիւն եպիսկոպոսաց Արմենաց արարեալ ի միաբանից Տաթևայ վանայ» աշխատությունում, որը հրատարակվել է որպես 1859թ. Փարիզում տպագրված Ատ. Օրբելյանի «Պատմութիւն նահանգին Սիսական» երկի հավելված, նշվում է, որ Հովհաննես եպիսկոպոսը յոթ անգամ գնում է Սպահան՝ շահ Սուլթան Հուսեյնին ներկայանալու և մահանում է Թավրիզում՝ իր վերջին այցից վերադառնալու ճանապարհին: Նրա մարմինը տեղափոխվում է Տաթև և թաղվում այնտեղ: Այստեղ հարկ է նշել, որ Իրանի շահ Սուլթան Հուսեյնը իշխել է 1694-1722թթ., մինչդեռ Հովհաննես վարդապետի կողմից ստացված հրովարտակները տրված են շահ Արաս Բ-ի (1642-1666) և շահ Սուլեյմանի (1666-1693) կողմից: Քանի որ հայտնի չէ Հովհաննես վարդապետի մահվան թվականը, իսկ Մատենադարանում պահվող հրամանագրերից ժամանակագրական առումով վերջինը, որում նշվում է նրա անունը, տրված է 1687թ.,՝ հնարավոր ենք համարում, որ նա հրամանագրեր ձեռք բերած լինի նաև շահ Սուլթան Հուսեյնից, որոնց մասին մենք տվյալներ չունենք: Հնարավոր է, որ նրա վերջին ճանապարհորդությունը դեպի Սպահան տեղի ունեցած լինի 1694-1697թթ., այսինքն մինչև այն թվականը, երբ նրա հաջորդ Ջաքարիա վարդապետը Տաթևի վանքը պարտատերերի պահանջներից պաշտպանելու նպատակով ձեռք է բերում առաջին հրովարտակը⁶:

Յոթ անգամ շահի մոտ Սպահան գնացած լինելու հանգամանքը բացատրում է այն, թե ինչպես է Հովհաննես եպիսկոպոսին հաջողվել այդքան շատ շահական հրամանագրեր ձեռք բերել, ինչպես նաև վկայում է նրա եռանդի ու անկոտրում կամքի մասին, որը չնայած շահական կենտրոնական իշխանության թուլացմանն ու տեղական իշխանությունների կամայականություններին, չէր հոգնում ու հուսահատվում տեղա-

կան պաշտոնյաների, քոչվոր ցեղերի, ինչպես նաև անհնազանդ հայ գյուղացիների անօրինական արարքների դեմ պայքար մղելուց:

Վերոհիշյալ վավերագրերում հստակ արտացոլվել է տվյալ ժամանակաշրջանում Սյունիքի քաղաքական ու սոցիալ-տնտեսական ծանր դրությունը անկում ապրող Սեֆյան Իրանի կազմում: Կենտրոնածիզ ուժեղ իշխանության բացակայության մասին է խոսում հենց այն հանգամանքը, որ վավերագրերից շատերը կազմված են միևնույն խնդրի կապակցությամբ և ունեն գրեթե նույն բովանդակությունը, բայց ուղղված են տարբեր անձանց և թվագրված են տարբեր թվականներով, թեև խնդրարկում միևնույն անձն է: Այսինքն բարձրացված հարցը տարիներ շարունակ լուծում չի ստացել և հրամանը կամ դատական ատյանների որոշումները չեն կատարվել:

Հովհաննես եպիսկոպոսի կողմից ձեռք բերված հրովարտականքի հիմնական մասի նպատակը վանքի կալվածքների պաշտպանությունն ու նրանցից ստացվող եկամուտների ապահովումն էր տեղական իշխանավորների, վաշխատուների ու քոչվոր ցեղերի ուսնձգություններից: Նրանցում՝, ինչպես և նախորդ դարերում Տաթևի վանքին տրված հրովարտականքում, ամրագրվում է 16 գյուղերի (Բնունիս, Թաս, Դարաքիլիսա, Դաստակերտ, Գույազի, Սվարի, Տաթև, Խոտանան, Հալիձոր, Շնեեր, Խոտ, Դաշու, Աղաքենդ, Տանձատափ, Բորդի ու Կից), որպես վակֆային կալվածքների, պատկանելությունը Տաթևի վանքին: Վերը նշված ժամանակաշրջանի մի շարք հրովարտականք հիմնվելով նախկինում այս առթիվ հրապարակված փաստաթղթերի (միսալներ, ֆաթվաներ, հոջներ, վակֆնամներ և այլն) վրա հաստատում են այդ գյուղերի Տաթևի վանքի վակֆը լինելու հանգամանքը և արգելում ամեն տեսակի հավակնություններն ու ուսնձգությունները նրանց նկատմամբ: Այս շարքում հատկանշական են Սեֆյան շահ Մուլեյմանի 1079, 1082 և 1086 հ. թ. հրամանագրերը տրված ի հաստատումն մահմեդական բարձրաստիճան հոգևորականության կողմից հրապարակված միսալների ու ֆաթվաների¹⁰:

Նույն ժամանակաշրջանի հրովարտականքի¹¹ իմանում ենք, որ Տաթևի կալվածքների նկատմամբ շարունակ հավակնություններ էին հանդես բերում Ղափանի Դարաբաս գյուղի բուրքեղու համայնքի ներկայացուցիչները, որոնք, լինելով Սյունիքի Օրբելյանների Բուրքեյան ճյուղի մահմեդականացած ժառանգները, հավանաբար ունեին որոշ հիմքեր իրենց պահանջների համար: Ինչպես նշվում է այս վեճի կապակցությամբ Հովհաննես եպիսկոպոսի կողմից ձեռք բերված փաստաթղթերից մեկում, վերոհիշյալ համայնքի ներկայացուցիչները այդ շրջանում զբաղեցնում էին Ղափանի դազիի, քալանթարի ու մելիքի պաշտոնները, և օգտվում իրենց դիրքերից իրենց պահանջները առաջ

տանելու համար¹²։ 1662թ. Հովհաննես եպիսկոպոսի կողմից ձեռք բերված մի հրամանագրում¹³։ որը ևս տրված է Դարաբաս գյուղի բուրքեղյու համայնքի և Տաթևի վանքի միջև ընթացող վեճերի կապակցությամբ, մատնանշվում են այդ համայնքի հավակնությունները Սվաբի, Տանձուտափ ու Խոտանան գյուղերի երեքական դանգերի նկատմամբ, ինչպես նաև նկարագրվում նրանց կողմից կատարված ոտնձգությունները։ Վավերագրում նշվող բուրքեղյու համայնքի ներկայացուցիչների անունների շարքում կարելի է գտնել նաև հայերի շրջանում ընդունված անուններ, ինչպիսիք են Իլիասը (Եղիասն է), Շահնազաբը։ Հովհաննես եպիսկոպոսին հաջողվում է ապացուցել վերոհիշյալ կալվածքների պատկանելությունը Տաթևի վանքին մի փաստաթղթի շնորհիվ, ըստ որի դրանք վակֆ էին արվել վանքին բուրքեղյուների նախնիների կողմից¹⁴։ Փաստաթղթում նշվող այս փաստը հաստատում է այն, որ, իրոք, բուրքեղյու համայնքի ներկայացուցիչները Սյունիքի Օրբելյանների Բուրքեղյան ճյուղի մահմեդականացած ժառանգներն էին։ Վերոհիշյալ հրամանագրով խնդիրն այնուամենայնիվ չի լուծվել, քանի որ կան նաև հետագա տարիներին այդ հարցի շուրջ հրապարակված հրամանագրեր ու այլ փաստաթղթեր¹⁵։ Պայքարն այնքան է սրվում, որ անգամ Հովհաննես եպիսկոպոսի դեմ բուրքեղյուների ու Վաղաղնի վանքի վանականների կողմից մի համախոսական գրություն է կազմվում և ներկայացվում պարսից իշխանություններին, թե իբրև Հովհաննես եպիսկոպոսը Վաղաղնի վանքի ունեցվածքը խլել և իրենց ծնող Ալեքսանդոսին սպանել է։ Ի պատասխան այդ գրության կազմվել է մեկ այլ համախոսական գրություն¹⁶, որում ստորագրած մի շարք հեղինակավոր անձիք ու տեղական պաշտոնյաներ վկայում են վերը նշված առաջին համախոսական գրության կեղծ և զրպարտություն լինելու մասին¹⁷։

Մեծ թիվ են կազմում պաշտոնյաների չարաշահումների, կամայականությունների ու զանազան այլ անօրինական արարքների դեմ ուղղված փաստաթղթերը։ Հատուկ այս կարգի արարքների կապակցությամբ Հովհաննես եպիսկոպոսի ջանքերով ձեռք են բերվել շահ Սուլեյմանի 1668 – 1685 թթ. հրապարակված մի քանի հրովարտակներ¹⁸։

Վավերագրերում նշմարվում է նաև այդ շրջանում զանազան օրինախախտ տարրերի ակտիվացումը։ Հովհաննես վարդապետի խնդրանքով Շահ Սուլեյմանի կողմից 1668թ. հրապարակված հրովարտակը¹⁹ նպատակ ուներ պաշտպանելու վանքի կալվածքների հարստությունը, բերքն ու տեղի բնակիչներին քոչվոր ցեղերի (ջավանշիր, օթուզիքի, քենգեբլու, հաջիլու, կարաչոբլու, փուսյան) ոտնձգություններից, որոնք իրենց ամառանոցային ու ձմեռանոցային վայրերը քոչելու ընթացքում իջևանում էին վանքին պատկանող վայրերում ու մեծ վնաս հասցնում Տաթևի եկամուտներին։ Այս կարգի հրովարտակ է հրապարակվել նույն

շահի կողմից նաև 1685թ., որտեղ Տաթևի հոգևոր առաջնորդը բողոքում է անմաղլու ցեղի կողմից գործված անօրինականությունների դեմ²⁰: 1687թ. Ղափանի մեջ մանող Գյուլաբերդ գյուղի բնակչության խնդրամքով հրապարակված հրովարտակը կոչված էր պաշտպանելու վերոհիշյալ բնակավայրը խաֆանլու ցեղի ոտնձգություններից²¹:

Վերոհիշյալ ժամանակահատվածում պետական հարկերի շարունակ ծանրանալու հետևանքով հաճախակի էին դառնում նաև Տաթևի վանքի պատկանող կալվածքների բնակչության կողմից վանքի նկատմամբ իրենց պարտականությունների չկատարման դեպքերը, այսինքն չնայած վանահոր բողոքներին, բնորոշ են վերոհիշյալ ժամանակաշրջանին և լուծում չստանալով ամիթ էին դառնում կողմերից կաշառքներ զանձելու համար²²:

1669-1687թթ. շուրջ մեկ տասնյակ փաստաթղթեր վերաբերում են Տաթևի վակֆային կալվածք հանդիսացող Ղարաքիլիսա գյուղի կապակցությամբ Հովհաննես եպիսկոպոսի և Շեյխ Քյարին աղ-Դինի ժառանգների միջև տարիներ շարունակ ընթացող վեճին: Հովհաննես եպիսկոպոսը բողոք է հայանում այդ գյուղից զանձվող հարկերի ապօրինի յուրացման ու այնտեղի բնակիչների անհնազանդության դեմ, որին ի պատասխան հրապարակված մի շարք շահական հրովարտակներ հաստատում են այդ գյուղի վակֆային պատկանելությունը Տաթևի վանքին²³: Այս առթիվ 1670թ. հրապարակված տեղական կառավարչի հրամանագիրը հրահանգում է 50 թուման զանձել վանքի կողմից 8 տաթի չստացված բահրեչեի դիմաց²⁴: Այս գյուղի պատկանելությունը Տաթևի վանքին և Հովհաննես վանահոր իրավասությունը հաստատված է նաև դատական ատյանի արձանագրություն ներկայացնող մի փաստաթղթով և տեղի հեղինակավոր անձնանց կնիքներով հաստատված 1687թ. մի համախոսական գրությամբ²⁵: Սիւնույն խնդրի կապակցությամբ կազմված այս բազմաթիվ փաստաթղթերը մատնանշում են այն փաստը, որ Իրանի Մեֆյան պետության կենտրոնական իշխանության թուլացումը հանգեցրել էր տեղական բյուրակրատիայի քաշքշուկների ու կամայականությունների ուժեղացմանը և օրինական ճանապարհով հարցեր լուծելու անհնարինությանը, որը պետք է առաջ բերեր ինչպես հասարակ բնակչության, այնպես նաև հոգևորականության և տեղի ունեղող խավի դժգոհությունը:

Տաթևի վանքի դեմ գործված անօրինականությունները մանրամասն նկարագրող 2 ծավալուն հրովարտակներ²⁶ հետաքրքիր են նրանով, որ նրանցում մեկ առ մեկ պատկերվում է վակֆային կալվածքներից յուրաքանչյուրում տիրող անկարգության բնույթը՝ հիշատակելով օրինազանցներին: Նրանցում կարելի է գտնել նաև տեղեկություններ տվյալ ժամանակաշրջանի իշխանավորների ու տեղական պաշտոնյաների,

մակ Սյունիքի մելիքների, մասնավորապես Անգեղակոթի Մելիք Մաֆռա-
զի մասին: Մատնանշվող օրինախախտ անձանց ու համայնքների մեջ
նշանակալի տեղ են զբաղեցնում մահմեդական պաշտոնյաները, քոչ-
վոր ցեղերը²⁴ ու նրանց ավագանու ներկայացուցիչները, ինչպիսիք են, օ-
րինակ, Բաբեր Բեկ ու Ղափլան Բեկ Զենգերլուները, Ջհանգիր Ալի Շա-
ղիլուն, Մուհամմադ Սալեհ Ղարադաղին, ղազի Իսմայիլը և այլն²⁵:

Վերոհիշյալ ժամանակաշրջանում Իրանում ուժեղացել էր ան-
հանդուրժողականությունը կյոմական վաքրամասնությունների, այդ
թվում նաև հայերի հանդեպ: Այս ամենն իր արտացոլումն է գտել պար-
սից շահերի կողմից հրապարակված հրամանագրերում:

Էջմիածնի Հակոբ կաթողիկոսի ձեռք բերած մահմեդական բարձ-
րաստիճան հոգևորականության կողմից հրապարակված ֆաթվաները
հաստատող հրովարտակների մեծ մասում³⁰ արգելվում էին հնազանդ
զիմմի հանդիսացող իրանահպատակ հայության նկատմամբ բռնույթ-
յունները, ու իրավունք տալիս հայերին հետևելու իրենց հավատի օրենք-
ներին ու սովորույթներին, վերանորոգելու իրենց եկեղեցիները և այլն:
Շահ Սուլեյմանի 1668թ. հրովարտակներից մեկում արգելվում էր մահմե-
դական պաշտոնեությունը սայօրինի գումարներ զանձել հայելից քեղ-
խուղա նշանակելու, իրենց մեծած ազգականներին թաղելու և վանքերը
վերանորոգելու թույլտվության համար³¹:

Ընդհանրապես, նշված ժամանակաշրջանում Հայաստանում
լայն թափ է ստանում եկեղեցական շինարարությունը, որից անմասն չի
մնում նաև Սյունիքը: 1650թ. կառուցվում է Գետաթաղ գյուղի եկեղեցին³²,
1661թ. կառուցվում է Խնձոռեսկի Ս. Հռիփսիմե եկեղեցին³³, 1666թ. Լոր
գյուղի Ս. Գևորգ եկեղեցին³⁴, 1676թ.՝ Շնհերի Կուսմանաց անապատը³⁵,
1681թ. Վայոց ձորի Խաչիկ գյուղի Ս. Աստվածածին եկեղեցին³⁶, 1692թ.՝
Վայոց ձորի Օրթաքենդ գյուղի Ս. Հրեշտակապետաց եկեղեցին³⁷,
1671թ. վերանորոգվում է Գնդեվանքի եկեղեցին³⁸ և այլն: Ձանազան
պատճառներով վնասված ու ավերված եկեղեցիների վերանորոգման,
նորերի կառուցման համար անհրաժեշտ էր նախ ստանալ շահի, ապա
նաև տեղական իշխանությունների թույլտվությունը: Այս պատճառով
պահպանվել են մի շարք շահական հրամանագրեր, որոնք թույլատրում
են ինչպես ընդհանրապես Արևելյան Հայաստանի տարբեր շրջաննե-
րում (այդ թվում նաև Սյունիքի գավառներում), այնպես էլ զանազան
վանքերում եկեղեցական շինարարության անցկացումը: Մեֆյան շահ
Սուլեյմանի 1668թ. մի հրամանագիր³⁹ հաստատում է մահմեդական
հոգևորականության հրապարակած ֆաթվան, որով թույլատրվում է
Սյունիքի բնակավայրերում, մասնավորապես Բռնակոթում, Անգեղակո-
թում, Մեղրիքում և Դարաբասում վերանորոգել վանքերը: Այսպիսի մի
հրամանագիր էլ հրապարակվել է 1669թ. Վայոց ձորի Շատիկ Անապա-

տի վերանորոգումը հնարավոր դարձնելու նպատակով⁴⁰, որը իրականացվում է վանքի վանահայր Մովսես վարդապետի ջանքերով⁴¹: Այնուամենայնիվ Մովսես վարդապետին հեշտ չի հղել այդ Ամապատը շենացները, որովհետև կա նաև վերջինիս կողմից 1675թ. ձեռք բերված մի հրովարտակ, որով վերջինս խնդրում է պաշտպանել իրեն ու վանքի միաբանությանը նեղիչներէից, որոնք խանգարում են նրանց բնակությանը Շաւիկ անապատում⁴²:

Պարսից հրովարտակները, ինչպես տեսնում ենք, լիովին արտացոլում են Սյունիքում XVII դարի երկրորդ կեսին ստեղծված անհանգիստ դրությունը, որի արդյունքում XVIII դարի սկզբին Սեֆյան Իրանի տիրապետության դեմ ժողովրդական շարժումներ են ծավալվում:

Թարգմանություն

Կաթողիկոսական դիվան, քոթ. 2ա, վավ. 65, բնագիր,
մեծ. 48 x 19 սմ, գիր՝ շիքասքե - մասթա'լիդ.

Սեֆյան Շահ Սուլեյմանի կնիքը

Արքայական հրաման եղավ հետևյալ կապակցությամբ. օրերս Ղափանաթի Տաթևի վանքի միաբանության ընտրյալ Հովհաննես քահանան գալով աշխարհի ապավենի պալատ տեղեկացրեց, որ Ղարաբաղի ջավանշիր, օթուզիքի⁴³, քենգերլու⁴⁴, շառվանշախու⁴⁵, հաջիլու⁴⁶, խոջաբբու-խսնաղլու, քրդական կարաչոռլու⁴⁷, փուսյան⁴⁸ ու թարաքենն⁴⁹ ցեղերը իրենց ամառանոցային ու ձմեռանոցային վայրերը քոչելիս իջևանում են վերոհիշյալ վանքի վակֆային⁵⁰ մահալներում⁵¹, նրա ցանքսերում արածեցնում իրենց չորքոտանի կենդանիներին ու բերքը ոչնչացնում, նենգորեն ռայաթների⁵² ձիերը, կովերն ու ոչխարները տանում - մորթում են, բռնի ու ապօրինի արարքներ գործում: Ռայաթները այսպիսի կյանքից փախել, ցաքուցրիվ են եղել, և մահալները ամայացել են: Այս պատճառով [Հովհաննեսը] արքայական հրաման խնդրեց: Հետևաբար, կարգադրեցինք, որ եթե իրոք այդպես է, ապա այսուհետև թող որ ցեղերից որևէ մեկը հրամանին ու կարգին հակառակ այդ մահալի հողերում կանգ չառնի և վակֆային կալվածքների ռայաթներին ու հողագործներին չնեղի, նրանց ունեցվածքն ու ընտանի կենդանիներին ապօրինաբար չհափշտակի: Իսկ եթե ռայաթների համաձայնությամբ իջևանեն, ապա թող կարգին համաձայն *յուրտանեն*⁵³ վճարեն: Այնտեղի բարձրաստիճան քեկլարբեկը⁵⁴ պարտավոր է օրինավոր օգնություն ցուցաբերել և թույլ չառնի, որպեսզի ցեղերն ու ցեղախմբերը ապօրինաբար նշված վայրերում կանգ առնելով, վերոհիշյալ վակֆերի ռայաթներին ու հողագործներին նեղություն պատճառեն: Եթե այդ ցեղերից որևէ մեկը հրա-

մանին ու կարգին հակառակ այդ մահալների ուսաթներից ու հողագործներից որևէ բան հափշտակած ու նրանց բերքին վնաս հասցրած լինի, թող ըստ կարգադրության վերականգնեն ուտնահարված իրավունքները: Եվ թող այս ընդունեն որպես խիստ հրաման ու ամեն տարի նոր հրամանագիր չպահանջեն:

Գրվեց 1079թ. ռաբի' առաջին ամսին⁵⁵:


Թարգմանություն

Կաթողիկոսական դիվան, թրթ. 2ա, վավ. 66, բնագիր,
մեծ. 18.5 x 47.5 սմ, գիր՝ շիքասթե - նասթա'լիդ

Սեֆյան շահ Սուլեյմանի կնիքը

Արքայական հրաման եղավ, քանզի այդ ժամանակ Ղափանաթի Տաթևի վանքի նմանների մեջ լավագույն Հովհաննես քահանան ու միաբանները աշխարհի ապավենի պալատը գալով՝ տեղեկացրին, որ այդ երկրի կառավարիչներն ու բնակչությունը նրանց հանդեպ բռնություն ու չարաշահումներ են թույլ տվել՝ արժանապատիվ շար'ին⁵⁶ ու կարգին հակառակ գումար հարկադրաբար գանձելով, այն դեպքում, երբ նման պահանջների առթիվ բարձրագույն հրամանագրեր կան: Այս պատճառով վերստին խնդրեցին արքայական հրամանագիր բարձրաստիճան ազնվական, խասսե-ե շարիֆեի⁵⁷ ծառա հարկահավաք Սուլեյման բեկի անունով, որպեսզի այդ պարտադիր հրամանագրերի բովանդակությանը համապատասխան այդ գանձումները վերցնի ու հետ վերադարձնի: Ուստի կարգադրեցինք, որ վերոհիշյալ բարձրաստիճան ազնվական Սուլեյման բեկը ամենալուսավոր շար'ի հանձնակատարների ներկայությամբ պարտադիր հրամանագրերի ու սրբազան շարիաթի⁵⁸ օրենքին համապատասխան վերոհիշյալ անձանց [Հովհաննեսի ու Տաթևի միաբաններին] պահանջած օրինական գումարները շար'ի հաստատումից հետո վերցնեն ու հետ վերադարձնեն: Եվ այնպես ամեն որպեսզի արդարություն հաստատվի, և անօրինական բռնություններ ու չարաշահումներ տեսնելի չունենան: Այնտեղի բարձրաստիճան բեկլարբեկը պարտավոր է վերոհիշյալ հարկահավաքին օրինական օգնություն ցուցաբերել: Եվ այս թող խիստ կարգադրություն համարեն ու պատասխանատու լինեն:

Գրվեց 1079թ. զիհեջջե ամսին⁵⁹:



THE HISTORY TATEV MONASTERY IN THE SECOND HALF OF 17TH CENTURY ACCORDING TO PERSIAN DOCUMENTS

About 50 Persian documents (decrees, deeds of purchase, reports of local administrators and etc) of Yerevan Matenadaran refer to the history of Tatev Monastery in the second half of 17th Century. The major part of these documents being obtained by Hovhannes Episcop, the prior of Tatev Monastery contain important information about his activities and various aspects of the situation in Siunik Region under the rule of Safavid Shahs in the decline period of Safavid Power. Several decrees were issued on each problem, which show that the orders were often not properly executed. The Persian documents of this period also witness of the increase of bribery and abuses among the local administrators and activation of various illegal elements in the region in general.

ԾԱՆՈԹԱԳՐՈՒԹՅՈՒՆՆԵՐ

1. Այդ պրակներում ընդգրկված են 1449-1650թթ. վավերագրերը (Տե՛ս Մատենադարանի պարսկերեն հրովարտակաները, պրակ 1, կազմեց Հ. Փափազյան, Երևան, 1956, պրակ II, Երևան, 1959, Մատենադարանի պարսկերեն կալվածագրերը, պրակ I, Երևան, 1968):
2. А. Д. Папазян, Аграрные отношения в Восточной Армении в XVI-XVII веках, Ереван, 1972,
3. Դ. Ալիշան, Սիսական, Վենետիկ, 1893, էջ 220:
4. Դ. Ալիշան, Սիսական, էջ 234:
5. ՄՄ, Կաթողիկոսական դիվան, թղթ. 2ր. վավ. 99, 111:
6. Ստ. Օրբելեան մետրապօլիտ Սիւնեաց, Պատմութիւն նահանգին Սիսական, Կ. Բ. Փարիզ, 1859, էջ 275:
7. ՄՄ, Կաթողիկոսական դիվան, թղթ. 2ր. վավ. 121:
8. ՄՄ, Կաթողիկոսական դիվան, թղթ. 2ր. վավ. 127:
9. ՄՄ, Կաթողիկոսական դիվան, թղթ. 2ա, վավ. 68, 85ա; թղթ. 2ր, 114
10. ՄՄ, Կաթողիկոսական դիվան, թղթ. 2ա, վավ. 67ա, 68, 81, 85ա:
11. ՄՄ, Կաթողիկոսական դիվան, թղթ. 2ա, վավ. 61ա, 69, 70ա,
12. ՄՄ, Կաթողիկոսական դիվան, թղթ. 2ա, վավ. 70ա:
13. ՄՄ, Կաթողիկոսական դիվան, թղթ. 2ա, վավ. 61ա:
14. Նույն տեղում:
15. ՄՄ, Կաթողիկոսական դիվան, թղթ. 2ա, վավ. 62ա, 63, 69, 85ա, 103 և այլն:
16. ՄՄ, Կաթողիկոսական դիվան, թղթ 2ա, վավ. 86:
17. Տե՛ս նաև ՄՄ, Կաթողիկոսական դիվան, թղթ. 2ա, վավ. 71:
18. ՄՄ, Կաթողիկոսական դիվան, թղթ. 2ա, վավ. 66, 73, 87 և 2ր թղթ., վավ. 107ա, 109:

19. ՄՄ, կաթողիկոսական դիվան, թղթ. 2ա, վավ. 65:
20. ՄՄ, կաթողիկոսական դիվան, թղթ. 2բ, վավ. 113:
21. ՄՄ, կաթողիկոսական դիվան, թղթ. 2բ, վավ. 117:
22. ՄՄ, կաթողիկոսական դիվան, թղթ. 2ա, վավ. 73; թղթ. 2բ, 110, 112:
23. ՄՄ, կաթողիկոսական դիվան, թղթ. 2ա, վավ. 72, 75ա, 79; թղթ. 2բ, վավ. 115, 120:
24. ՄՄ, կաթողիկոսական դիվան, թղթ. 2ա, վավ. 78ա:
25. ՄՄ, կաթողիկոսական դիվան, թղթ. 2ա, վավ. 96; թղթ. 2բ, վավ. 121:
26. ՄՄ, կաթողիկոսական դիվան, թղթ. 2բ, վավ. 108ա, 118:
27. ՄՄ, կաթողիկոսական դիվան, թղթ. 2ա, վավ. 54, 87:
28. ՄՄ, կաթողիկոսական դիվան, թղթ. 2ա, վավ. 113:
29. ՄՄ, կաթողիկոսական դիվան, թղթ. 2բ, վավ. 108ա, 118:
30. ՄՄ, կաթողիկոսական դիվան, թղթ. 1բ, վավ. 145, 136, 144 և այլն:
31. ՄՄ, կաթողիկոսական դիվան, թղթ. 1բ, վավ. 177:
32. Դիվան հայ վիմագրության, պրակ II, Գորիսի, Սիսիանի և Ղափանի շրջաններ, կազմեց Ս. Գ. Բարխուդարյան, էջ 128:
33. Դիվան հայ վիմագրության, պրակ II, էջ 63:
34. Դիվան հայ վիմագրության, պրակ II, էջ 109:
35. Դիվան հայ վիմագրության, պրակ II, էջ 57:
36. Ղ. Ալիշան, Սիսական, էջ 172:
37. Ղ. Ալիշան, Սիսական, էջ 129:
38. Ղ. Ալիշան, Սիսական, էջ 105:
39. ՄՄ, կաթողիկոսական դիվան, թղթ. 1բ, 130բ:
40. ՄՄ, կաթողիկոսական դիվան, թղթ. 4, վավ. 124:
41. տե՛ս Ղ. Ալիշան, Սիսական, էջ 159:
42. ՄՄ, կաթողիկոսական դիվան, թղթ. 4, վավ. 114:
43. Օթուլիքին 32 քրդական ու բյուրքական մար ցեղերի արհեստական միավորում էր, որի մեջ էր մանում մահ ջևանշիր ցեղը, (տե՛ս Ի. Ս. Петрушевский, укр. соч., с. 96, 136):
44. Քենգերլու ցեղը ղզլբաշ ցեղերի թվին պատկանող ուսթաջլու ցեղի ճյուղերից էր, և նրա առաջնորդների ժառանգական *օլբան* էր Նախիջևանի *վիլայեթը* (տե՛ս Ի. Ս. Петрушевский, укр. соч., с. 94, 127):
45. Շարվանշահլու ցեղը մասին նշված է Ղևոնդ Ալիշանի կողմից (Ղ. Ալիշան, Սիսական, էջ 99):
46. Հաճիլու ցեղը նույնպես հիշատակվում է Սյունիքի տարածքում (Ղ. Ալիշան, Սիսական, էջ 101)
47. XIX դարում Ղարալագյազի շրջանում էր բնակվում իսլամի շիա ուղղությանը պատկանող քրդական կիսաքոչվոր կարաջուղու ցեղը (տե՛ս Ս. П. Лерх, Исследования об иранских курдах и их предках, северных халдеех, кн. I, СПб., 1856, с. 89):
48. Փոսյան քրդական ցեղը գրանցվել է Օռախնի կողմից կազմված Երևանի մահանգի հիշատակարանում (Լ. Шопен, Исторический памятник Армянской области в эпоху ее присоединения к Российской империи, СПб. 1852, с. 719):

49. Թարաքենե - Թուրքմեն բառի հոգնակին է: Թուրքալեզու թուրքմենական ցեղերը պատկանում էին ղզլաշ ցեղերի թվին (տես Մ. Մ. Петрушевский, ук. соч., с. 91, 92): Թարաքենե անունով հայտնի էին Ղարաբաղի տարածքում գտնվող մի քանի բնակավայր (տես Описание Карабагского провинции, с. 11):
50. Վակֆ - رقت (արաբ.) - Բառացի նշանակում է «կանգ առնել», «ամրանալ»: Այսպես էին կոչվում եկեղեցիներին կամ մզկիթներին նվիրված՝ վակֆ արված հողերն ու այլ ստացվածքները, որովհետև, նվիրվելով որևէ կրոնական հաստատության, դրանք այլևս ենթակա չէին ոչ մի կարգի օտարման և մնում էին որպես եկեղեցու կամ մզկիթի մշտական սեփականություն և որպես այդպիսիք ազատվում էին պետական հարկերից (Մատենադարանի պարսկերեն հրովարտակները, պրակ 2, էջ 120):
51. Մահալ - محال (արաբ.) - «Մահալ - محل» (վայր) բառի հոգնակի ձևն է, որ բառացի նշանակում է «վայրեր», բայց այս տերմինը հաճախ գործ էրածվում արդի «շրջան»-ի իմաստով և համանիշ էր «նահիա»-ին (Մատենադարանի պարսկերեն հրովարտակները, պրակ 1, էջ 113):
52. Ռայաթ, Ճիշտը՝ ռաիյաթ - رعیت (արաբ.) - Սկզբնաղբյուրներում գործ էածվում հպատակ և հարկատու ժողովրդի, հատկապես մստակյաց, հողագործ գյուղացիության իմաստով: Իսկ խաշնարած քոչվորությունը կոչվում էր «իլաթ - ایلات» և ավելի արտոնյալ վիճակում էր գտնվում (Մատենադարանի պարսկերեն հրովարտակները, պրակ 1, էջ 118-119):
53. Հարկ, որ վճարվում էր քոչվոր ցեղերի կողմից իրենց քոչի ընթացքում որևէ տեղ կանգ առնելու համար տեղի սեփականատիրոջը:
54. Բեկլարբեկ - بگلرگ (թուրք.) - Սեֆյան իրանի սահմանամերձ նահանգներում կամ կուսակալություններում իշխող խմբերն ու ամիրները կոչվում էին «բեկլարբեկեր: Այս անվան արաբերեն համանիշն է «ամիր - ուլ ումարա - أميرالامرا», պարսկերեն արտահայտությամբ՝ «միր-ե միրան - ميران»: Սահմանամերձ կուսակալություններ, որոնք անվանվում էին բեկլարբեկություններ (بگلریگی) չափազանց մեծ էին Արշակունյաց Հայաստանի բոլորություններին և կոչված էին վտանգի դեպքում միավորելու մերձակա մյուս խմբությունների զինվորական ուժերը, իսկ վերջիններս իրենց հերթին պարտավոր էին ենթարկվել բեկլարբեկին, որպես գլխավոր զինվորական հրամանատարի:
55. Իրանում ԺԶ - ԺԷ դարերում կային 13 բեկլարբեկություններ, որոնցից հյուսիս-արևմտյան սահմանումն էին գտնվում Ատրպատականի, Ղարաբաղի (Գանձակի), Շիրվանի և Չուխտուր Սաադի կամ Երևանի բեկլարբեկությունները (Մատենադարանի պարսկերեն հրովարտակները, պրակ 1, էջ 106):
56. 1668/VIII:
57. Շար՝ - شرع (արաբ.) - Մուսուլմանական գլխավոր, կրոնական, հոգևոր օրենսդրաան-դատական խորհուրդ, որին մասնակցում էին տվյալ վայրի

- բարձրաստիճան հոգևորականները (Մատենադարանի պարսկերեն հրովարտականները, պրակ 1, էջ 117):
58. Խասսե-յե շարիֆե - خاصة شريفه (արաբ.) - Այսպես էին կոչվում արքունի կալվածները, արհեստանոցներն ու գործատները, և առհասարակ, չափին ու թագավորական ընտանիքին պատկանող մյուս բոլոր հաստատությունները միասին վերցրած: Դրանք բոլորն ունեին հատուկ գործերի կառավարչություն, որ կոչվում էր «Սարքար-ե խասսե-յե շարիֆե» (سرکار خاصه شريفه) (Մատենադարանի պարսկերեն հրովարտականները, պրակ 1, էջ 110):
59. Ծարիաթ - شريعت (արաբ.) - Մուսուլմանական կրոնական օրենքներ հաստատված նորմեր, որոնցով առաջնորդվում էր հոգևորականների բարձրագույն կրոնական - դատական ատյանը: Այս հաստատությունը հաճախ անվանվում էր հենց այդ օրենքների առումով, սակայն սովորաբար այն կոչվում էր «Ծար»: Ծարիաթի կամ Ծար'ի հոգևոր ատյաններում էին քննվում մեծ մասամբ տնտեսական հարցերի շուրջը քաղաքացիների միջև առաջացած վեճերը: Այդ ատյանին կից կային մասնատարական գրասենյակներ՝ «մահզար»-ներ, որտեղ տեղի էին ունենում կալվածքի առուծախի, վարձակալման, փոխատվության, ամուսնության և քաղաքացիների սոցիալական դրությանը վերաբերող այլ ակտեր, կազմվում էին արձանագրություններ և տրվում էին համապատասխան փաստաթղթեր և նոտարական պատճեններ (Մատենադարանի պարսկերեն հրովարտականները, պրակ 2, էջ 227):
60. 1669/V:

ՄՄ, կաթողիկոսական դիվան, թղթապանակ 2ա, վավ. 65

مهر شاه ... لیه ان - [بنده شاه دین ... ایمان ... ۱۰۷۸ ... اللهم صل علی ثنیتی و الوصی و البتول و السیاحین و الباقی و الصادق و الکاظم و الرضا و التاقی و الناقی و الزکی و المهدی]

فرمان همایون شد انکه چون درینولا زیدة الاشیاء اوانس -هراسیا در میان وانک طاعف قبانات بدرگاه جهان بنده آمده بعرض رسانیدند که جماعت الوسات و احشامات جوانشیر و اتوزیکی و کنگرلو و سرونشمنو و صاحبیلو و خواجه ابواسد حقار و اذراد قراچورلو و بسیان و تراکعات قریباغ در حینی که به بیلاق و قسنتق میروند در محال موقوفات و انک متبع نزول نموده مزروعات و محصولات محال المزبوره را بدواب و اغنام خود چرانده نقصان و خسارت بسیار میسازند و اسب و گاو و گوسفند رعایا را بر ... یل در ذیل میبردند و اموال و اجناس رعایا را بخلاف حساب مکر و میکشند و شلایات خلاف حساب میکشند و ازینهم رعایا متفرق و محال المزبوره ... میگردد و درینباب استدعاء حکم اشرف نمودند. بنابرین مقرر فرمودیم که

هر گاه نمود واقع بوده باشد من بعد احدی از الوسات و احشامات مزبوره بخلاف حکم و حساب در اراضی محال مزبوره نزول نموده مزاحمت بحال رعایا و زارعین موقوفات مزبوره ترسانند و اموال واجناس و دواب و اغنام ایشانرا بجهت و بخلاف حساب چیر نگیرند و هر گاه برخلاف رعایای محال مزبوره نزول نمایند از عهده یورتانه آن موافق حق و حساب بیرون آیند. بعهده عالیجاه بیگار بیگی آنچه که امداد حسابی بمقدم رسانند نگذارند که الوسات و احشامات مزبوره بخلاف حکم و حساب در محال مزبوره نزول نموده مزاحمت بحال رعایا و زارعین موقوفات مزبوره ترسانند و چنانچه احدی از الوسات مزبوره بخلاف حکم و حساب چیری از رعایا و زارعین محال مزبوره رسانند بحد آن محصولات ایشان رسانیده باشد بقرار خاطر نشان گردیده احقاق حق نماید در بنیاب قدغن دانسته هر ساله حکم مجدد نمایند.

تحریر فی شهر ربیع الاول سنه ۱۰۷۹

ՄՄ, կաթողիկոսական դիվան, թղթապահակ շահ, վավ. 66

مهر شاه، ابرمان: [بنده شاه دین، ایمان است ۱۰۷۸ - اللهم صل على النبي و
الوصی و البتول و الامهات و السجاد و الیاهر و الصادق و الکاظم و الرضا و
التقی و التقی و الزکی و المهدی]

فرمان همایون شد آنکه چون در توفت زبده الاشباه اوانس مهراسیا و سایر
سکنه و انک طاعات و انانیت پدرگاه جهان پناه آمده بعرض رسانند که از
حکام و جماعت سکنه اتولایت ظلم و زیادتی بایشان واقع شده میبای
بخلاف شرع شریف و حساب از ایشان چیرا باز یاعت نموده اند و احکام
مطاعه لازم الاطاعه در باب مطالبات ایشان صادر شده مجدداً استدعا حکم
اشرف بمقدمه رفعت و معالی پناه ابرمان بیگ غلام خاصه شریفه نمودند
که موافق مضمون احکام مطاعه مطالبات ایشانرا موافق شرم شریف گرفته
واصل و عاید گرداند بنابرین مقرر فرمودیم که رفعت و معالی پناه سلیمان
بیگ مشارالیه در حضور اهالی شرم انور موافق احکام مطاعه لازم الاطاعه
و قانون شریعت مقدس مطالبات شرعی و حسابی جماعت مزبوره را بعد از
ثبوت و لزوم شرعی گرفته تسلیم و نوعی نماید که احقاق حق شده ظلم و
تعدی و ستم و زیادتی خلاص شرعی واقع شود. بعهده عالیجاه بیگار بیگی
آنحدود که در هر باب امداد و اعانت شرعی و حسابی محصل مزبور بمقدم
رسانند. در بنیاب قدغن دانسته در عهده شناسند.
تحریر فی شهر ربیع الحرام سنه ۱۰۷۹.